



CONCELLO DE VIGO
Secretaría de Goberno Local

D^a. PATRICIA RODRÍGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ORDINARIA do 5 de XULLO de 2024**, adoptou o seguinte acordo:

17.- EXPEDIENTE DE CONTRATACIÓN DA SUBMINISTRACIÓN DE MOBILIARIO E EQUIPAMENTO PARA A ESCOLA INFANTIL MUNICIPAL SANTA MARTA - PRAZA DA INDUSTRIA (CAMIÑO DO CHOUZO 2). Expte. 97479/332.

A Xunta de Goberno Local, co quorum regulamentario, acorda declara-la urxencia do asunto de referencia por estar fóra da orde do día, de conformidade coa xustificación que consta no expediente aportada polo servizo correspondente.

Visto o informe xurídico do 28/06/2024 e o informe de fiscalización do 03/07/2024, sométese a aprobación o informe-proposta do 20/06/2024, asinado pola xefa do Servizo de Educación e conformado pola concelleira-delegada, a concelleira da Área de Goberno e o concelleiro da Área de de Goberno de Orzamentos e Facenda, que di o seguinte:

Con data 17 de abril de 2024, a concelleira da Área de Goberno de Educación resolveu *“Iniciar o expediente administrativo para a contratación da subministración de mobiliario e equipamento para a Escola Infantil Municipal Santa Marta – Praza da Industria (camiño do Chouzo nº 2)”*.

No expediente tramitado ao efecto consta a seguinte documentación:

- Informe xustificativo da necesidade da contratación asinado pola xefa do Servizo de Educación e pola concelleira delegada de Educación en data 17/04/2024.
- Resolución da concelleira da Área de Goberno de Educación de 17/04/2024, pola que se autoriza o inicio do expediente de contratación, conformada polo concelleiro da Área de Goberno de Orzamentos e Facenda.
- Declaración dos redactores do Prego técnico, do 10/106/2024.
- Prego de prescricións técnicas (PPT) de data 10/06/2024, redactado pola xefa do Servizo de Educación e polo arquitecto técnico aparellador, con 3 anexos.
- Memoria Xustificativa de data 10/06/2024, redactada polo Servizo de Educación.
- Memoria Económica de data 10/06/2024, redactada polo Servizo de Educación e conformada pola concelleira delegada de Educación, pola concelleira da Área de Goberno de Educación e polo concelleiro da Área de Goberno de Orzamentos e Facenda.
- Informe de data 20/06/2024 do Servizo de Contratación, sobre a comprobación da documentación esixida pola normativa de contratación pública.
- Prego de cláusulas administrativas particulares (PCAP) de data 20/06/2024, redactado polo Servizo de Contratación.



Copia do documento - Concello de Vigo	Data impresión: 08/07/2024 13:13	Páxina 1 de 3
97479-332	CSV: AFA351-BC314B-D38ED5-SAHYEN-2KFCQG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

As características básicas do contrato, tal e como se indica na documentación que conforma o expediente, son as seguintes:

Obxecto: A adquisición de mobiliario e elementos accesorios de aulas, despachos e outras dependencias, e de mobiliario de cociña e despensa, así coma dos electrodomésticos necesarios para a posta en funcionamento da Escola Infantil Municipal Santa Marta – Praza da Industria, sita no Camiño do Chouzo 2, coas características que se indican no Prego de Prescricións Técnicas Particulares (PPTP). A subministración do mobiliario, accesorios e electrodomésticos incluírá a entrega e instalación de todo o equipamento que deberá quedar totalmente instalado e preparado para o seu uso.

Duración: 4 (catro) meses a partir da formalización do contrato; non se contemplan prórrogas.

Prezo: O prezo do contrato estímase en 72.587,90 euros (59.990,00 euros máis 12.597,90 euros en concepto de IVE a soportar pola administración), coa seguinte división por lotes: Lote 1: 49.525,30 euros / Lote 2: 23.062,60 euros.

Aplicación orzamentaria: 3230.625.0000 “Mobiliario EIM”.

A competencia para a resolución do presente expediente correspóndelle á Xunta de Goberno Local, na súa calidade de órgano de contratación, conforme ao previsto na Disposición adicional segunda parágrafo 4º da Lei 9/2017, de 8 de novembro, de contratos do sector público (LCSP). A resolución, segundo o artigo 117 da LCSP, deberá ser motivada e aprobará o expediente de contratación e disporá a apertura do procedemento de adxudicación e implicará a aprobación do gasto.

A vista das anteriores circunstancias, e previo informes da Asesoría Xurídica e da Intervención Xeral, propónse á Xunta de Goberno Local como órgano de contratación, en uso das facultades que lle confire a lexislación vixente, a adopción dos seguintes acordos:

1º.- Aprobar a contratación a través de procedemento aberto simplificado abreviado da subministración de mobiliario e equipamento para a Escola Infantil Municipal Santa Marta – Praza da Industria (Camiño do Chouzo nº 2).

2º.- Aprobar o Prego de prescricións técnicas (e anexos) de data 10/06/2024 redactado polo Servizo de Educación, e o Prego de cláusulas administrativas particulares de data 20/06/2024 redactado polo Servizo de Contratación, que se inclúen no presente expediente, para esta contratación.

3º.- Aprobar o gasto por importe total de 72.587,90 euros IVE incluído, para a contratación da subministración , con cargo á aplicacións orzamentarias 3230.625.0000 (Mobiliario EIM) do vixente exercicio orzamentario do Servizo de Educación, coa seguinte división por lotes: Lote 1: 49.525,30 euros / Lote 2: 23.062,60 euros.

O valor estimado do contrato estipúlase en 59.990,00 euros (Lote 1: 40.930,00 euros / Lote 2: 19.060,00 euros).



Copia do documento - Concello de Vigo	Data impresión: 08/07/2024 13:13	Páxina 2 de 3
97479-332	CSV: AFA351-BC314B-D38ED5-SAHYEN-2KFCQG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

4º.- Acordar a apertura do procedemento de contratación conforme ao previsto na lexislación vixente.”

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/if.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 08/07/2024 13:13	Páxina 3 de 3
97479-332	CSV: AFA351-BC314B-D38ED5-SAHYEN-2KFCQG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		